





徐仙翰藻












御製

天地定位	陰陽協和	星辰順度	日月昭明
寒暑應候	雨暘以時	山嶽靖謐	河海澄清
草木蕃廡	魚鼈咸若	家和戶寧	衣食充足
禮讓興行	教化修明	風俗敦厚	刑罰不用
華夏歸仁	四夷賓服	邦國鞏固	宗社尊安
景運隆長	本支萬世	正統十年十一月十一日	



徐仙翰藻目錄

卷之一

靈濟祖廟記

靈濟宮記

碑陰辨

碑陰

存城記

親睦堂記二篇

鄉

燕喜堂記

齋堂靈濟宮記

代東村翁作靈濟宮記



餘慶堂道場記

來賓亭記

旗龍山神祠記

靈濟賢聖王廟記

司農社角廟記

司稼旗龍山翁廟記

卷之二

團春堂記

門銘

壽天玉岩道場記

續玉岩道場碑記

修西林寺記

卷之三

鰲峰賦

靈濟宮賦

文興庵賦

自辨文

塞謗賦

非神賦

莫毀碑辭

卷之四

喜雨頌

塞井文

告成序

修東井文

修廟難文

驅癘鬼文



卷之五

驅旱魃文

臯殺賦

驅蝦蟇瘴文

真人朝天贊

回宮贊

注福司贊

注祿司贊



五帥贊

雨部贊

集英贊

宮娥獻壽贊

綵戲嬰童贊

膳部樂府贊

仙樂贊

仙厨贊

奉祠人求壽贊

卿一

二

書燕喜堂東邊掌籍

書燕喜堂西邊掌籍

靈濟廟注祿司

靈濟廟注福司

卷之六

友序

畫士傳

蒼周壯翁碑跋 跋周壯翁易圖說
效景純遷州記為誌銘



書訓

棊說

琴暢

書讀

長明燈說



卷之七

詩句



上林府判古今詩二首



獲麟歌

絕筆歌

梁父吟

喜雨

謝林府判香信

請林經歷書碑

寄南村居士

代周全擬芙蓉城

贈林來村公

荅問造墳

荅周孟遇問事

荅呂先生問馬米事

卿一

三

勉蔡畫士

荅生負問眼疾

托東林公作記

錢君行

偶作可笑

荅問事

荅問生活事

荅陳耨仕問事

贈雕碑者

謝林主簿書碑

別蔡畫士

本宮建壇有四道人現身

贈天王老抄化不遂

荅問事

三首

荅梁氏問遷葬

上林府判效曹娥體

寶殿十奇峰

貞仙八詠圖

贈徐南村

二首

玉岳十奇峰

東澗

西澗

玉岳

餞陳道與往龍虎山

二首

卷之八

和白雲僧德堅

偶作四首

詞

親睦堂

燕喜堂

贈沈建翁

贈周全

贈周用明

贈林椿

贈章桂龍

贈郭泳翁

贈鄭汝顯

贈天王寺郭以立

贈合山僧德潤

贈越山寺僧石徑 二首



修宮裁衣二首

贈蔡畫士

贈長邑人往湖南

贈天王郭東堂之桐城

勉蔡畫士

荅林君舉問事

問蔡畫士墻外事

卿一

贈龍舡匠

賽情詩

四

贈閩縣宣差

荅林廷玉問事

贈同事五人

卷之九

啓玄表

真君補職

謝玄表

真君補職

謝恩表 真君補職

金闕謝受職表

玉闕謝受職表

上天師表 真君奏職

謝天師表 真君奏職

上田禾蕉尾表

賀聖父瑞旦表 二通

上南宮表 代男人祈安作

上南宮表 代女人預修作

謝師表 薦功德完滿
煉度表 四道

贖罪表

卷之十

祈安詞

謝恩詞

預修詞

賽醮詞 五道

建玄都壇詞

禳災詞

保福詞

建普度詞 五道

建朝拜詞

散朝拜詞

女薦父詞

建血盆疏

卿一

五

子薦父詞

薦親詞

薦父祖詞

薦祖詞

真人謝過詞

謝加封真人詞 一道

保禾詞 二道

卷之十一

金闕授仙簡建羅天醮榜
玉闕授仙簡建羅天醮榜

加封敷達上玄門榜

示齋主文

諭在會善信榜

師堂補職榜

建黃籙普度齋榜

戒監壇榜

戒將吏榜

示五帥榜

散血盆

建血盆告諭文

散朝拜門榜

普度功德牒

諭南北廟亡魂榜

諭亡魂榜

二道

右語

二道

五道

右語

散朝拜諭下界榜二道

建孟蘭盆會諭下界榜

諭下界榜二道

孤魂榜四道

卷之十二

修靈濟宮疏

建神厨疏

建餘慶堂疏

修餘慶請僧爲化主疏

修餘慶堂疏

修慈濟宮疏

文興庵抽粘兼賽詩疏

修鰲峰旗龍廟疏

修護境橋疏

修橋立抽粘疏

修路疏

修溪埠疏

建集福道場抄題疏

題祈禳醮疏

迎五顯慶讚佛生日疏

卿

六

題血盆會疏

題為真人受封建醮疏

題為真人受仙簡疏

二道

題為真人奉錄建醮疏

題塑真人歸道扮疏



題青口塑神像疏

題衣服疏 二道

題真人衣服被盜重造疏

卷之十三

請東村公書

代鄉人謝東村公啓

謝東村公書
謝東村公跋

謝東村公啓

代鄉人謝東村公啓

謝張總管啓
上程廉訪啓



代鄉人請陳道興啓 二幅

請高功唐宗萬啓

代鄉民請人任都講

贈越山奉祠啓 賀鹿山宣教

荅周勝公問事 幅 幼婚啓

鄉一

七

上梁文

卷之十四

燈梁聯

徐仙翰藻卷之一

靈濟祖廟記

靈濟祖廟夫祖者言其始也子姓徐乃偃王
之後世仕唐及五季亂奉天子命守金陵晉
開運二年乙巳閩王王氏閱濟之變募兵革肆

興予遂將查邊等騎萬人投建州明年撥福
州間道西峽將梯鹿嶺由南臺縣取漳泉鄉
之胡者叩馬而前曰適有潰兵犄亂為民之
仇不圖今日復見王師王若閔其不辜吹而
蘇之不至跋躓德莫大焉軍駐而成列教子

卿一

八

商子搏力法罨其鋒賊死咋民獲喘汗師還
耆老猶作綈袍戀戀之意子以李御史常容
之數馬上策之知與若等從事之期待來年
矣果脫化於鈞伍間精魂不爽降而為神于
鰲峰之陽其初未有祠制草其廬木其爐歲

時伏臘祀事罔缺宋太平興國八年癸未春
不雨種未入土嗇夫用虞二月初吉戊子卜
於予習吉祠之前有潭旁袤四五丈深不可
測倏有雲氣飛騰竟日不散翌日昧爽烈風
雷電兩雹交至人大悅越三日拔生明詣祠
求荅目其祠蕩為洪水之墟且恠且疑遂辨
香沉諸潭而祝之忽有木爐捧出水心香灰
不濕信有神物須臾雙龍蟠逸扶翼而西流
直至傳築嶼中山橫溪而不進嶼中舊號香
爐峰烏鵲飛呼將有所迎紙錢結界異香襲

人夜現天燈之瑞日聞金石之音居民異之
乃因地以成其廟後產靈芝之瑞因號曰芝
嶼祖廟雍熙改元春正月丁卯事告訖工檀
越有河南方氏曰珏董之至乾道二年丙戌
珏之孫有曰詢曰感曰仲上其事於州牧馮

卿一

九

公礪扁以護境感應四字為額熙寧三年庚
戌河間章氏曰管潁川陳氏曰彭初濟南林
氏曰懷賢江夏黃氏曰頌以其事上於光祿
卿程師孟聞奏於朝適半山王氏當國百姓
困於青苗之役未遑及此八年乙卯郡人劉

公彞知桂州交趾寇邊陷欽廉等州劉公恕
時同秋曹周公汝礪禱於予予效公山之靈
寇果退劉公復具狀以聞炎紹問予之陰績
最為顯著韓忠武大儀鎮之捷武安和尚原
之功本路安撫使薛公弼保奏端平元年甲
午左藏周公說潮守周公燧具條其事上於
執政李宗勉三年丙申十月本路帥臣何公
琮入除戶部侍郎始得旨嘉熙二年戊戌命
始下敕封靈濟徽號有加神喜人歡用彰厥
德自國朝以科目取士予得以宰科名之籍

鄉之擢第者橫飛捷出為諸邑之所歛衽南
渡而後文風大振臚傳黃甲者有人南宮高
選者有人聲名翕翕品秩猶高或振節秋臺
或具司禁帑或出宰花封或教分侯泮至於
一階半級可以車載斗量矣繼之以河南方

氏珠曹曰策王郎曰杰各以文章取進士是
皆以夢卜於予而獲報以此功德之在人也
甚博詢之道聽塗說一朝一夕而然也廟自
石晉開運以來迄今數之歷甲子凡二千四
百有奇初拆而為社壇基於青布之潢溪再

遷而為巷東即今靈濟宮是也合門環眷獲
寵天封予知證九天金闕明道達德大仙顯
靈溥濟真人江王仲知諤九天玉闕宣化扶
教上仙昭靈博濟真人饒王父諱溫齊王忠
武真人母田氏仁壽仙妃予配陶氏涇國夫
人順助仁惠仙妃仲配許氏衛國夫人善助
慈懿仙妃將五人永安留守元帥查文徽武
安留守元帥邊鎬節度使左監門元帥魏岑
都統使右監門元帥趙鏗都統軍使先鋒元
帥刁彥能伯氏四人曰知誥曰知詢曰知諫

十一

十

曰知訓俱封王廟食金陵其源流世閱已備
見於五代史斯廟是作諸祠所祖祖言始也
豈可忘其始而昧其所出哉祖廟創始履歷
具述于前蓋物久則壞不修則愈壞木而堂
之石而室之將為百千歲計其有功浩費煩
檀越之布施名數猶可考是歲在丁亥至元
二十四年十一月丁未日也後一紀復大門
閭榜其額曰芝嶼祖廟因舊碑泯沒予始降
碑而銘之從河南方氏曰壯猶曰逢午曰嗣
翁諸君之所請也銘曰

水之流 窮其源 木之葉 究其根

源既深 流也分 根既固 葉也蕃

曰祖廟 祠是尊 居此土 百千年

功日月 德乾坤 名與謚 史具存

昔廟號 明而神 今天爵 神而仙

鄉一 士

歛厥惠 澤乎民 何以報 薦蘋蘩

歲丁亥 廟復新 後一紀 大吾門

銘于碑 石用鐫 序猶始 祀有傳

效神嶽 聲三聞 萬萬歲 祝聖君

靈濟宮記

○

予姓徐出自羸姓栢醫生若木夏后氏封之於徐其地下邳僮縣是也國於夏殷周咸有大功徐偃王治國仁義著稱有獲朱弓赤矢之瑞周天子穆王聞之伐徐徐不忍鬪其民去之彭城武原山之下名其山曰徐山居焉

祖孫輩項三千餘年名人魁士載迹青史者皆本於偃王王子之祖也予家世仕唐俱為大官五季之亂豪傑蝟起瓜分幅裂互相漁劫予奉天子命留守金陵所管江南二十餘州氓征就寬軍給以饒林蠻洞蜒守條死要

穉耄嬉遊連手歌謳上無所怨下無與讐江
南之民賴予以生予之功德揭若日月雖世
而下無能磨滅晉開運之二年閩王王氏失
國請命於予予提師萬人艦步並進閩之諸
郡各以城降踰年取福州克之師抵峽江之

南道經青布鄉之久老壺漿以迎予師而憩
予曰適有潰兵數百隱匿於鰲峰之巔夸謾
兇驕將次為亂王師今日不至顛覆朋隣我
餘有幾予乃引師南向陟其峰挫其鋒落其
角距殲厥渠魁盡得其屬人卒棄甲呼舞不

戰而收鄉民無怨市買不變田之果谷下無
一跡故今日其山之半曰戰鬥自此始也師
還父老攀慕顧戀不忍釋去剪茅為屋於鰲
峰龍湫之北圖予像奉予祠晨香夕燈以祝
予壽予心惻然而與衆盟曰予明年當棄世

卿一

十二

而寄於此與若等好也及期憑夢於人以宣
其靈年無凶荒民無夭癘榮雩之下若響若
荅予生不能澤其民死而廟食尸其土是亦
不敢爾民誣也歲更月改屋宇頽頽上雨旁
風無所蓋障倏有雲氣亭亭神龍蟠護木爐

不壞像貌屹然見者異之鄉人方珏始立廟於傅岩之野尚予號曰護境感今芝嶼之祖廟是也祥符初風俗移易人物繁夥鄉之父老詢謀僉同再立廟祀於青布潢溪之陂昔溪水漂激田稼墊溺予以神兵疏其源決其流竟不為民害故今號其地曰社壇猶有遺跡桑田滄海物久則變時有鄉民樂施其地於龍首之東豐衍端夷山水俱秀卜予得吉而宅之烏鵲假靈蜂蛇交集紙錢結界異香襲人夜現天燈之瑞日聞金石之音鄉人因

之以成其廟乃徵土木石工執器備用來會
祠下斬板幹礮柱礎陶甍甍築垣墉歲在政
和之丁酉工逸事遂作貌顯嚴粲然而威至
今故老相傳尚能記憶其事闡而闢之殿宇
深邃則隆興改元癸未之秋增而廣之庖庫

卿一

十三

廓大則開禧二年丙寅之春堂庭建植階序
整齊巍巍乎其高炳炳乎其新規模程度將
多於前功則歲在壬申咸淳之八年也至今
檀越姓名書於梁者猶未泯沒我思古人實
獲我心時我亦不敢寧於厥居以保其子孫

黎民亦職有利哉若夫西南北等處祠像皆
本於此拆而分之歲月久矣有能質於鮐背
齟齬之夫則見予之靈德入人也深靖康陽
九之厄予以神兵護國效公山草木之靈顯
旗纛旄麾之相孽寇就誅中原底定予之功
績聞奏朝廷已蒙聖恩南渡不果嘉熙間鄉
人潮守周公燧以父老章少白等狀再請於
朝金書褒獎勅封靈濟徽號煥然祝冊於廟
祭式有加神人俱喜偉歟盛哉邇來時異事
殊中澤之鴻甫集至於廟事奚暇及此上冠

下屨誰其正之圮棟腐瓦誰其易之墻壁墜
剝圖像黜昧誰其整之予若不揚其烈大降
顯於四方歷告於爾有衆則曰甚一日墮甑
不顧將安以為揭虔妥靈之地乎鄉人各以
事卜於予求其筆以驗其事予示之以讖曰

籒籒六十有四象易之六十四卦天地萬物
莫出乎易易為卜筮之書定之以吉凶所以
斷也既示之以籒用敢援筆為文以委而任
司爾衆其惟致告自今至於後日各恭爾職
各設中於乃心經之營之立定厥功使弊者

復興故者復新予亦不敢獨專其美安生興
事民業有經俾以壽而富俾以熾而昌予之
休庇於人者亦不淺秋八月吉日庚戌工告
訖功請記於予予王父相吳封齊王謚曰忠
武伯氏四人長諱知誥世襲父爵改封於唐

卿一

十四

次諱知詢知諫知訓俱秉吳政封王各廟食
金陵予曰知證封江王仲氏曰知諤封饒王
事載之史所有陰績著於尚書祠部廟食茲
土已四百餘年將以至于千千年未可計也
恭遇

聖朝一統率土稱臣天地鬼神克享其德仰
冀

聖恩俯頌

宣命嘉茲榮寵式副所期猷畝不忘三呼
皇帝萬歲萬歲萬歲萬歲辭曰

婉婉偃王

孝孫有慶

維德不爽

居此一方

蜿蜒螯峰

龍首之東

靈濟褒封

於民有功

新廟奕奕

厥聲赫赫

肩膺胛骨

來享來格

爾民不訖

降福既多

矢辭以歌

紀石不磨

碑陰辨

或謂碑記有陰無陰吾不知記爲何碑爲何
所謂無陰之記則樂記學記史記喪記傳記
是也既刻於而則謂之碑如碑用詞用銘皆

卿一

十五

傷悲之文記則無之昔柳宗元爲父作石表
猶有陰書其弟子門人姓名表陰自柳侯始
記陰自徐江王始誰敢議耶

碑陰

天之未喪斯文故假手於我用德以彰厥善

惟爾之能予其懋簡相爾今林東村公所舉
周君壯羽之言曰今將生申乎將生尹乎肯
哉斯言也以代予言者也刻之座右使爲士
者登斯堂讀斯記其尚知所勉焉毋作神羞

又

生爲人死爲神有功於國有德於民者宜有
廟祀有廟祀而有勅命者必有碑碣以記其
事昔柳侯降爲羅池之神有韓文公爲記予
雖效柳侯之萬一愧無柳侯之才不得韓文
公記之何以示來者予敢自序履歷後文公

者記之可矣

存誠記

靈濟之庭字其額曰存誠此神筆也一日客自遠方來而有假靈之請樞衣而進於堂上得神之所作碑銘記贊熟而讀之儼然若思

趨而退曰何獨存誠二字缺其文母乃有之而未之刻耶請質於予予神也不能以口諭姑假筆舌爲言而復之曰夫誠者真實無妄之謂也人之常性未始不誠不誠無以立身君臣之間此誠也父子之間此誠也昆弟夫

婦朋友之間此誠也誠一而已盡求諸身而誠者存初非所謂誠之道也人能於此勉力爲之雖雷霆於上而不之懼淵谷于下而不之恐此無他誠存故也夫苟一言之不真一語之不實曰妄也非誠也甚矣暗室之中視

卿一

十六

如無人手指目視洞見肺腑誠之存者幾希其曰妄者滔滔皆是臣如是以事其君而君疑子如是以其父而父疑至於昆弟朋友夫婦如是以相從事則無往而不之疑機心一萌鷗鳥飛而不下况於人乎况於鬼神乎

子不以自欺真實而無妄者也雖不言誠而誠自有何文之有易曰閑邪存誠二字之義其始於此子知之乎耳盍記諸

親睦堂記

親睦堂記所以明人倫也人之大倫親親爲

大親親者也父父也子子也兄兄也弟弟也夫夫也婦婦也故周官太宰以八統詔王馭萬民其一曰親親誠以父父子子兄兄弟弟夫夫婦婦其爲人倫也大此太宰之馭萬民必先以親親言之親親者教民之本也三代

盛時人倫明於上小民親於下孝慈友悌輯睦和遜不待其習與性成是亦聖人之教不肅而成者也自秦漢而下其治一切出於便利而不耻無禮古先聖人所謂教民相親睦者悉置而不講此綱常所以不立禮義所以

卿一

七

不明而天下所以日趨於姦行不可制其弊至於父子不同居兄弟不相容教化離絕國俗傷敗而天下無復知有親之義矣是以古之民也醇今之民也詐古之民也厚今之民也薄是豈今之民不如古之民哉必有聖人

者出如堯舜如禹湯如文武周公孔子承其厚而維之使爲父子兄弟夫婦者知其所以爲父子兄弟夫婦之義庶幾上古之風吾於今日復見之矣茲者伏遇

聖朝一統以仁率下聖言宣布首以孝順爲

民勸許令鄉里申舉以聞神靈歡喜踴躍嘆呀四方聞風靡然自化或有以貞節稱或有以節婦着義門孝坊在在有人柰此拜若罔聞知汚俗未變爲神之羞神於此時不容嘿嘿乃命鄉人修葺斯堂於殿東以奉神之族

屬焉親其所親故榜之曰親睦堂使有事於
廟者登斯堂瞻斯像親睦之心可以油然而
生矣堂成而爲之記所以明人倫也繼自今
爲父者慈而教爲子者孝而箴爲兄者友而
恭爲弟者敬而順爲夫者和而義爲婦者柔

而正勉哉勉哉庶無愧斯堂之名至元甲午
惟三月癸丑朔鰲峰敬仙靈濟真人記

又

靈濟宮正殿之東有堂扁其額曰親睦客有
儒其人者攝齊升堂而請問曰親睦者得非

坊記所謂睦於父母之黨曰親者乎予曰然
又曰上至曾祖下至玄孫此爲父之黨乎予
復曰然又曰母之兄弟爲舅母之從兄弟爲
從舅此爲母之黨乎予復曰然客廼嘆曰人
生天地間爲物之靈其所以異於禽獸以其

卿一

十六

知有父母之黨之親者也如其知有父母之
黨之親親則睦矣以親睦二子而聞知於人
者是誠奚心哉予曰善哉子知之乎今之世
俗以智詐相尚亡制度棄禮義捐廉耻其知
有睦於父母之黨之親吾斯之未能信自南

咳廢而孝友之道缺矣棠棣廢而兄弟之情
絕矣宜爾子孫蟄蟄兮誰復詠螽斯之德之
子于歸宜其室家誰復歌桃天之詩既有肥
羜以速諸父既有肥牡以速諸舅誰復誦伐
木之章孟子曰無辭讓之心非人也是以吾
心汲汲於所欲爲不容嘿嘿以秦人視越人
之肥瘠不加憂戚於其心爲今之說必寓之
於書宣之於口以言諭之庶幾人心天理一
脉如線綿綿延延猶有可續可救之道此古
人之所謂化當世莫若言傳來世莫若書然

觀古人苟得其時而行其道則無所謂書亦
無所謂言言之者盖有不得已者矣客曰誠
如是也今之所言曰聖父曰聖母曰聖兄此
神之親也其得於南陔棠棣之意歟曰聖子
曰聖姪曰聖孫至於曰聖舅曰聖婿者亦神
卿一
之親也其又得於螽斯伐木桃夭之意歟雖
然神之所謂親者僕固知其為父母之黨之
親親則神之親也其如世俗何予曰固執愚
也子之所舉坊記為問子以為子之好學通
於記者所有大學格言曾之學乎復坐吾語

汝大學曰欲治其國先齊其家又曰一家仁則一國興仁仁者所以親親其親也親親以睦其為仁之本歟故君子篤於親則民興於仁未有仁而遺其親者也客曰唯而起請記之

燕喜堂記

含章貞一者夫人之德也從容和緩者夫人之言也旦夕憂勤為締為綌者夫人之功也環姿律態盛矣麗矣視之儼然不可勝贊者夫人之容也此四教者美夫人也配食廟庭

者冑也廟庭之西有堂翼然而臨於上者燕
喜堂也燕喜堂者夫人祠也載瞻其祠有人
如玉華裾長袖綺綉文章綴明珠而載金翠
喜堂人像也左右森嚴或行或止或坐或起
者宜鬟者開粧鏡者執巾櫛者塗脂而抹粉
若侍人也曰修儀曰昭儀曰修容曰容華曰
昭華曰順成者侍人之號也曰典婦功曰典
系泉曰女府曰女史曰女祝曰女御者侍人
之職也受箴之府者內府也受用之府者外
府也府者庫也乃曰莞庫曰度支曰掌帳籍

者侍人之責也至若羅幔垂而香風鼓舞絲
簾捲而淡月朦朧憑欄一嘆更有庭花野草
相間而青紅者堂中之景致燈燭輝煌椒蘭
芬芳盃盤狼籍八珍羅乎其前者夫人宴也
既宴既醉滿堂欣欣相酌相酢而且笑且語

卿一

二十

者六宮聖眷同其樂也神樂而人亦樂人樂
而神降之福也歲昔伏臘人之祀於此者蒼
神麻也至於求享者則有注子孫司專掌其
任也親抱送者並是天上之麒麟也嗚呼夫
人之德之羨之靈者凜凜乎其清昭昭乎其

明濯濯乎其聲可敬可畏可愛可慕民無得而稱也必有曹大家者為之史也又有衛夫人者為之書也予所記者燕喜堂事也堂曰燕喜者取詩所謂魯侯燕喜頌也

齋堂靈濟宮記

自觀察使常公設立鄉學而後閩之士風始振曩時此地有修竹茂松西園周密又有江水之縈回山坡之拱抱風土最為奇特人之讀書為士者因而於此創立小學命名曰齋齋之中有講學焉非董馬名輩不敢下惟而

施絳帳也上而接武下而布武揖遜之禮祭
然可觀舊有神祠在堂之東序曰地主非所
謂能以禍福動人者之為神也一遭巢寇再
遇閩兵齋廬隨廢堂亦無存加以王政之煩
苛民生幾絕故人之為士者降而為農或又
卿一
降而為工商至今聞者莫不為之太息幸而
三一
北主之祠香火不滅見者惻然彷彿而不忍
去遂斬茅為屋聊避風雨而已慶曆年間鄉
人敦巳等始蓋以瓦像而木之後歲甲子週
過半陳知足等乃以石為柱其為規模宏且

遠矣又得檀越京教周公毅將仕周世修周
公崇諸人樂施爾貲用成厥志目今石柱題
名猶有可考工既就尊其祠曰廟以其未有
徽稱請予就其位以為民主昔有感應之號
今有靈濟之名職此之由然則予之所謂非
能以禍福動人者亦不能免有口者之義也
視其祠制雖侈過於前人亦未足以起動乎
後觀於是重新翻蓋五彩作服塑成神像黃
簾朱几稍稍尊嚴考之年月則歲在己巳咸
淳之五年也嗚呼人為萬物之靈孰不知有

父母終身而能慕父母者至於祖則易而忽
之况欲知其有高曾者乎今之所以為農為
工商或猶能為士者亦當考究其上世之所
由以復其業毋徒以為曩時此有書齋之講
說而資談柄雖然凡知讀書識義理者皆可

謂之士若夫伊尹起於莘野傳說來於版築
此命世之大賢故不敢以為喻至於炎劉天
子馬上得天下敗繒屠狗之徒皆得以獻一
謀納一策紀功鐘鼎策名史傳豈有不知讀
書識道理之所能為愚意遭秦之厄以此逃

名為立身計今國家養士有學求賢有詔科
目有條為農為工商者皆可相汲引而為士
矣輒敢序其事以為為士者勸或指齋堂為
里可溫齋供之堂此則齊東野人之語子勿
聽大德三年歲在攝提格中秋之朔日鰲峰

鄉一

主

山人筆

代東村公作靈濟宮記

予少年以豪邁之氣汲汲於功名擔簣裹糧
走數千里至於天下壯麗奇倬卓絕之處凡
前賢遺跡靡所不覽正感慨間適有士友章

桂龍書來以靈濟文集示予曰閩之青布有
古廟曰靈濟其神姓徐一封江王一封饒王
自石晉開運迄今四百餘年其輔國安民捍
災禦難之功未易枚舉邇來祠宇頽頹不稱
明靈歲癸巳之夏五桂龍與沈達翁周全同

用明林椿郭泳翁鄭汝顯七人共謀而葺之
而卜於神維神顯相化筆為文以委而任輪
奐一新八月功成再降之笔序以履歷而為
之記示之以吉凶而為之卦勸之以忠信禮
義而為之文賦讀之一言一話皆以孔孟垂

世立教之心為心此聰明正直之神也雖班
孟堅西京之筆左太冲三都之文楊子雲五
祚之手與夫芝房寶鼎之歌黃馬碧圭之下
未可及也有神如此烏得而忽諸章君七人
奉詞惟謹敬以神所作之記刻於石焉里人

御一

五三

林炫功延年書之屬予篆其額十二月以神
所而賜古詩來曰碑既立矣今日之事君記
之此神之意也子未暇作筆再賜以古今詩
一篇六十五通有日記在名俱在子忘神不
忘之句子不敢辭為之記其詞曰昔有祀兮

今有傳昔有勅兮今有宣言為文兮勸以賢
廟重新兮事已完曰雨暘兮感二天民祈禱
兮心益虔龔茲銘兮垂萬年世不忘兮德無
遷

餘慶堂道場記

如是我聞佛有偈曰萬物本於心於心何處
尋所以者何曰即心是佛佛也者釋云弗人
也弗是人則體相無身常實無真無相無忍
無妨無實無去來無有罣礙如是如是即無
所有安頓那處是人不解能於心上究竟到

盡佛無時不在苟其心不然徒以口學虛談
般若假名引導貪利罔功甚矣大千俱壞況
於我佛一道場乎景德祥符而後佛之功行
著聞天下在在處處設立道場各繪塑佛像
香火而欽奉之吾鄉餘慶堂亦一道場也自

開禧丙寅至元貞丙申以義曆策之其數得
九十有奇年未踰遠何道場之壞大不如昔
上漏傍穿燥溫不除彼何人斯有目者莫之
顧有手者莫之指真所謂越人視祀人之肥
瘠不加憂戚於其心抑不思古人之所運水

搬栽者豈一朝一夕之所能辯是故我佛法
誓願曰諸佛興世皆起於山蘆膝鵲項不以
為辱我以浮幻身不可虛占國王好地遂於
南安之岩其有石室而就居焉則餘慶堂之
興於佛國無加益餘慶堂之壞於佛亦無加

知一

二十四

損第以佛智慧悉如是人如此也是人其心
便是夜叉羅刹奚足以語佛哉唐誌公和尚
嘗會傳大士於雲黃山中說法有嵩山頭陀
即從座起作禮跪問曰末世衆生作何業故
墮在娑婆經劫受苦如何做箇方便救得誌

公曰於後末世造惡者多結緣者少傳大士
曰是諸衆生自做得誠哉言也誠哉言也我
今廣為衆生演法普令開悟若有善男子善
女人能發何耨多羅三藐三菩提心以滿恒
河沙等世界七寶持用布施無妄想心無貪
着心無退轉心以是因緣使佛土莊嚴其福
德可稱量耶我不誑語是真語者是實語者
汝今諦聽各以佛為心乃再舉佛偈曰我有
一善根俱在心頭生會麼故曰即心是佛佛
於乾道三年賜定光負應普通慈濟大師善

薩俗號白衣聖公又號盤古定光佛子敢為
佛作餘慶堂記刻於堂前以勸世云

來賓亭記

讀韓文公書記人皆以不見真畫為惜子獨
喜之殊不知文公之記其所以畫人物形狀

卿一

于五

曲盡其意苟因其意而摹之則真畫瞭然在
吾目中此子喜之得文公立亭之意且萬物
皆弊文章獨不朽信夫靈濟真人之詞工侈
前盡美矣又盡善矣獨有案墻是缺是補以
手板縱橫量之得笏之數七十有奇二三君

子殫力就之復請盡於予予遠為之計曰一
壁中天惇惇孤立不無震風凌雨之患其久
也須壞必欲文公記之可也萬一盡之不存
猶幸吾記之尚在後世有述焉記云徒
記云乎哉恭遇

聖朝一統輝耀威靈南海諸蕃畢獻方物神
人喜躍復見太平敢以此圖為今日賀圖之
中有亭榜其亭曰來賓亭之前後樹之以槐
號為槐市亭之東西植之以坊一曰悅近一
曰懷遠是命坊之名也峰巒竒峭岩石莽蒼

驛程迢遞其有往來不絕而踵相躡於道者
並作南海諸蕃人物之形狀騎象者二人謂
之番官番官之下主印者各一人能以金鈎
而馴象者四人謂之象奴又名象公一人執
捧珍之旗立於左一人執獻琛之旗拱於右

車二乘而御者四人傘夫二人通事二人其
餘族屬徒跣裸裊間有以織文五彩之布而
腰粧者三十六人所獻之寶曰元龜象齒大
賂南金通犀文甲翠羽白銀與夫旃檀沉香
之香又有珍異殊恠竒靡巧麗世所貴重者

如和氏之璧隋侯之珠石崇珊瑚樹之類或以金為盤銀為缸玻璃為盆真珠為簾七寶為塔車裝輦載席裹氈包涉海踰嶂于于然而來者業績於亭磷磷爛爛彩色瀕汙交錯亂分不計其目致方貢者必如周官所謂懷

鄉一

二十六

方氏中士八人府四人史四人胥四人徒四人各有職度材而處之誰謂頭目主事者獨有二人從者二人吾觀其人不可兼人之材其可得而專歟若夫環楮之松夾道之柳周蓑數十步地遠而望之指畫恍惚矐矐兮

有雲山萬里之遙市橋如帶溪水如練加以
玉楯朱欄瑠琢之巧亭亭峙峙整整齊齊中
間狀出查邊趙刁五大元帥出將之圖武夫
道前騎卒擁後昭光振耀風威刺刺此文神
之所以效瀆鬼獄祇之靈上報國恩下守此
土而福於民者也雖然斯盡也夫豈有一朝
一夕之所能運思為之亦勞矣予雖喜之必
欲為文公之記以存其大都焉又何患乎震
風凌雨其久且壞後之君子有事於此必讀
斯記讀斯記必斯所以存斯盡存斯盡必斯

所以頌

大朝之盛德如天之高如地之厚如日月之
光明至於九夷八狄十戒六蠻荒區絕域寰
海之外盡入版圖四時職貢奔走而來賓者
又非此記此畫之所能記浣灘之歲中秋之
夜天朗氣清月色如晝有鰲峰山人自記來
賓亭之圖之事刻於靈濟宮

鄉一

二十七

旗龍山神祠記

旗龍山鰲峰之肘翼也有廟曰祈雨王宮一
日龍門社即巷東靈濟宮王行宮之祠也蓋

自宋宣和之七年歲乙巳夏泊秋不雨畝夫
焦勞嘉穀用虞靡神不舉寧不我聽於是耆
老舊人自相告語曰巷東廟有神曰護境感
應王捍災禦難克休於人大矣乞靈不少今
旱既大甚牲璧奠瘞之禮其可後乎惟七月

壬申哉生明齊潔致誠奔走祀事於廟庭丁
惟神憫人之不辜若響若荅須臾雲霧四塞
雷電皆至丕降霖雨如注遠望山之南忽見
神龍閃閃上有黃旗標揭大書護境感應王
五字護境感應王即今之靈濟王舊日之徽

號也越三日甲戌乃霽是歲秋大熟糠稻倍
收甌窵汙邪儲峙充羨田翁墅老相與北向
蹈舞拜手稽首莫不忻忻然衍衍然而踴躍
冬十一月至上幸設立壇壝於旗龍山之
灣月祭之以報其德後甲子一週作廟有巖

孔曼且碩永宅厥靈以極終古旗龍名山蓋
諸神以旗龍顯跡其始如此曰雨而雨神不
爽其聰明衆請於有司故上其號曰祈雨王
宮一曰龍門社此邑里之長材秀民有忠於
功名者之所願頌也夫山林川谷丘陵能出

雲為風見恠物者皆曰神考之祭法一在祀
典今神既能以旗龍顯跡時雨是甘化荒為
穰易泮為和民獲蘇醒厥猷幾載廟食於今
餘四百年爾民報事夫誰敢忘而且怠日月
遽邁祠宇頽壞圖像黝昧不稱靈明奉祠林

卿一

庚八

椿等蒙神之福既多退思古昔若罔獲承遂
謀及鄉人作而興之有禱於神神享其衷假
鸞作字篆隸竒恠初不可曉乃乞作世俗書
四六駢驪文章可得而聞謂有人焉孰視之
若無覩也時元貞改元正月之吉既成合東

隣西舍之民協力惟和鳩費命工完舊益新
冬十有二月二十四癸亥立春明年節也若
翌日甲子工告成請記於予予神也豈敢自
眩鬻以媚於人靖惟降依茲土永享厥祀壽
富安逸人之所願予必從之若夫神之世胄
爵里具載於巷東靈濟宮碑雖百世可知也
予名刻於石於予與何言姑序此以記旗龍
山靈濟行祠曰祈雨王宮云鰲峰大仙靈濟
真人自序

靈濟賢聖王廟記

靈濟賢聖王廟碑碑者表其功德不忘也神
自祥符以來祈禳感應並禱于龍首廟東神
勅封三天瓊闕賢聖按察高仙威靈廣濟真
人即靈濟之後身也雖在祀典未有詞制紹
興年間始分西南北之疆六年甲辰北廟所
作孔曼且碩鄉人林棗薰其事凡九十八年
廟宇幾壞復能振起檀越姓名尚可考以歲
月計之今又六十七年矣大德三年二月社
前八日奉祠曾琛傅隆等領諸同社持一辨
香奔走執事於廟東之庭而祝予曰此廟久

鄉

二十九

廢將欲治之未得吉卜而不敢為予戒之曰
吉復求文以誌其碑予不敢辭詞曰

聖朝一統天下太平仙廬佛舍百廢俱興里
閭立社神棲以寧歲在淵獻斗柄插寅將以
祀釐祀事孔明顧惟圖像黜昧不蠲瓦毀墻

汚風雨飄搖惕然而懼若罔獲承廼稽之衆
乃卜之神豫筮契龜長短後先虛徐莫斷惟
予是信草昧不處無聲無形安敢銜鬻惑人
之聽念依慈土唯唯何言回平作隸魚頡鳥
眴二月乙丑吉日良辰土工木工是構是經

削類補鑄完故益新飾以黝堊繪以丹青輔
弼承疑上應四星爾民有為福祿是膺兩階
干羽守衛鄉隣六么珠翠妙舞笙歌雲門九
奏方丈八珍優旃百伎肖貌生獰觀者戒途
車蓋駢聯艾嬉遨笑喜色欣欣工逸事遂予

誌以文語言鄙俚捧心而顰予其謂誰靈濟
真人龍首廟東事紀碑銘天其賢聖吾身後
托姓於潘致知其名承佑之嫡固始入閩衣
冠世業嘗舉孝廉節使留侯旌帛蒲輪累徵
不起富貴浮雲卜築鰲峰鑿地為田亭亭皎

皎不耻食羨仙骨不凡學授倕佺龍嶠一卷
出青入玄峽江之西飛水沸騰不濡不溺履
空而行駭俗驚世事涉杳冥厭棄囂埃以道
自聞朝聞夕死得返吾真一日羽化如蛻之
蟬乾德而後人夢是憑戾孽既袞榮霄協應

卿一

三

五穀蕃熟利施於民民感休喜秋嘗冬烝祠
制未立合享大庭按察舊額始於紹興作廟
有嚴濯濯厥聲紹定紀元屋壞將顛恢度舊
制功多如前惟賢希聖允獲徽稱人上其德
有司俱存神而明之聽一旦專繼自今始聖

可希天伊我靈濟行滿三千兼而有之以配
三靈戊日元吉糝潔椒馨民亦勞止實獲我
心刻誌於石千古有經靖惟恢恠非人不因
尚冀宣封八字輝榮拜手稽首
天子萬年

司農社角廟記

予廼者赴天臘會式適其歸倏有客腰金袍
紫侍立於堂下厲聲而呼曰生為人沒為鬼
為君子之鬼必不敢加禍於人其為小人之
鬼則不靈西廟有記南北有碑予其將與草

木俱腐矣予聞其語責令左右引而進之乃
正直之神曰社角祠予下執其手以上曰子
若無語吾幾失子矣縫衣章甫難以適越維
今之時非姦惡富疆者不可以立身非織毫
計會者不可以爲生計子之職以農開國春
耕夏耘秋收冬斂終歲勤動靡有寧日天門
萬里孰爲子之遠慮而乞憐者乎長房何人
敢爲驅役鵲之靈不免填河之畫龜之靈不
免支牀之苦鷄何爲不鳴犬何爲不吠牛何
爲而喘馬何爲而困如子之責難矣哉信欲

望豚蹄盃酒之爲私祝者其可得乎然雖如是農必不以水旱而不耕子司農職也安得居樂其業何必沽名釣譽爲世俗態自今以始歲其有則祀事孔明何止百世將與天地相爲悠久子矜子能榜其額曰司農社角之廟若夫廟之始自五福岩而遷於此亦有年矣其重修歲月則題梁可信故不及贅攝提格之天臘節後二日鰲峰山人作

司稼旗龍山翁廟記

公姓翁諱承贊福唐王融之遺民也唐乾寧

之四年中宏詞科官極高品五季之亂豪傑
分割國危政亂風敗俗澆公迺棄妻子捨墳
墓埋光鏹采不效時趨北遊白鹿歷高踰險
卜築於鰲峰之半曰旗龍山平坦廣衍得幽
水清流而遂其志閩王王氏幣帛以迎不屈

仕之永隆間王氏兄弟闕墻內變潰兵星散
奔竄於山林之東聞公高節過門不入晉天
福間唐兵南討鄉之父老恐變爲虐請唐師
勦除之公具唐衣冠謁見二王今之靈濟真
人也王復辟以幕職公不願祿蠶山爲田自

畊自種年豐穀美春給隣未之不足者仁人
用心萬口是碑天福八年一日忽有流星墜
於居廬之側公自知祿滿得鄉人共祀公之
香煙以其自耕自種之田施於合山常住永
爲追修異靈濟二王守此土公得配食任司

卿一

三三

稼之責主掌兩腸管護牛畜蒞事以來終始
惟勤歷年既久祠宇傾頽更而新之鄉之父
老力也至於風雨順時五穀豐登孳畜生聚
鷄犬相聞此則父老之所以獲庥庇於公者
非一日若父慈子孝兄友弟恭夫良婦貞其

誰使之然而然者公其鄭子真嚴君平之徒
歟公神也請記於予予敢述公之履歷以示
後人大德二年十有二月朞日鰲峰老人徐
子記



